

Margarita de Terel o'lim to'shagida yotardi. U ellik olti yoshda bo'lса-da, uni ko'rganlar yetmish beshni urgan deb o'ylashardi. U bazo'r nafas olar, yuzlari choyshabdek oqargan, a'zoyi badani isitma ichida bezgak tutgandek qaltirar, ko'zlari olayib ketgan edi. Undan olti yosh katta opasi karavot yonida cho'kkalab olgancha, yig'lab o'tirardi. Bemorning bosharisiga kichkina yopqich tashlab qo'yilgan stolcha ustida ruhoniyning kelishi oldidan ikkita sham yoqib qo'yilgan edi.

Yotoqxona o'ta tartibsiz edi. Stol va javonlar ustida dori qobiqlari, burchaklarda esa, sochiqlar sochilib yotardi. Stul va kursilar xuddi nimadandir qo'rqib har tarafga sochilib ketgandek edi. Ajal qaysidir puchmoqda bekinib olgancha o'ljasiga chang solmoqqa payt poylardi, go'yo.

Opa-singillarning qismati o'ta g'alati kechdi. Ular haqida butun muzofotda gapirib yurishar, ularning dardli kechmishi borasida eshitganlar ko'z-yoshlari tiyib tura olmasdilar.

Bir paytlar opa-singilning kattasi Suzanna bir yigit bilan qattiq sevishib qolgan, ular hatto unashib ham qo'yilgan, to'y kuni belgilangan, ammo kuyov bo'l mish Anri de Sampier nogahon fano mulkini tark qilgandi.

Tamoman g'am-anduh girdobida qolgan qiz endi hech qachon tur mush qurmaslikka ahd qildi. Va u so'zida sobit qoldi. Bevalik libosini butun umr yechmoy o'tdi.

Kunlardan bir kun uning o'n ikki yoshli singlisi Margarita opasining bag'riga o'zini otdi va aytdiki:

- Opajon, sening baxtsiz bo'lishingni, butun umr yig'lab-siqtab o'tishingni istamayman. Hech kachon, hech qachon seni tashlab ketmayman. Men ham erga tegmaganim bo'lsin. Sen bilan bir umr, bir umr qolaman, opajon.

Bolalarcha sadoqat va samimiyatdan ko'ngli erib ketgan opa uning peshnasidan o'pib qo'ydi, ammo uning gaplariga ishongisi kelmadi.

Singlisi ham gapida turdi, ota-onasining dag'dag'asiga-yu, kattalarning dod-muomalasiga qaramay er qilmadi. U juda-juda go'zal, latofatl edi. Uning ishqida devona bo'lganlar oz emasdi. ammo, u barchasini rad etdi. Opasini tashlab ketmadi.

Ular bir umr bitta tom ostida ahil-inoq yashadilar. Ular bu adoqsiz yo'lni yelkadosh bo'lib bosib o'tishdi. Faqat singlisi opasiga qaraganda g'amginroq, kayg'uliroq bo'lib ko'rindari.

U opasidan tezroq qaridi, o'ttiz yoshida sochlari oqarib ketdi. Mana, o'lim ham birinchi bo'lib uni olib ketyapti.

U bir kecha kunduzki, bir og'iz ham gapirgani yo'q. Faqat saharga yaqin tilga kirdi:

- Vаqt bo'ldi, ruhoniyi chaqiringlar.

U hamon dag'-dag' qaltirar, shiftga termilib yotarkan, uning lablari asabiy pichirlar, go'yoki, dil tubida yotgan qandaydir maxfiy bir gapni sirtiga chiqarmoqchi bo'lar, ammo uni tiliga ko'chirolmay qiyinalar, ko'zlari qo'rquvdan ma'nosiz boqardi.

Opasi to'shakning bir chekkasiga peshonasini bosgancha, o'ksibgina piq-piq yig'lardi.

- Margo, jigarim, bolajonim!

U singlisin "bolajonim"B deb atashga o'rganib olgan edi. Singlisi esa, uniB "opacham" deb chaqirardi.

Zinapoyada qadam tovushlari eshitildi. Eshik ochildi. Bo'sag'ada avval yugurdak bola, keyin salobatli keksa ruhoniy ko'rindi.

Ularni ko'rib, bemor bor kuchini to'plab, o'rnidan qo'zg'aldi, arang og'zini ochib, tirnoqlari bilan choyshabni yirtib yuborgudek tirnadi va bir necha og'iz gapga tili aylandi.

Abbat Simon uning qo'lidan tutib, peshonasidan o'pdi va halimlik bilan dedi:

- Parvardigor sizni afu etgay, bo'tam. O'zingizni qo'lga oling, tavba qilmoq fursatidir.

Shu choq Margaritani shundayin titroq tutdiki, hatto karavot ham silkinib ketganday bo'ldi.

- Opajon, o'tir bu yoqqa, eshit meni.

Ruhoniy to'shakda parri bo'lib yotgan Suzannaning qo'lidan tutib qarshidagi stul ustiga o'tqizdi va opa-singillarning qo'llarin ushlab munojot qildi:

- Parvardigor! Bandalaringga o'zing madad ber. Ulardan o'z marhamatingin ayama!

Margarita gap boshlarkan, uning og'zidan har bir kalima katta mashaqqat bilan tashqari chiqardi.

- Kechir, opajon, kechir meni! Men umrimning ana shu so'nggi saatidan qanchalar qo'rqqanimni bilmaysan!

Suzanna namli ko'zlarini artdi:

- Nega mendan kechirim so'raysan, bolajonim? Axir sen butun hayotingni meni deb qurban qilding. Sen farishtasan...

Margarita uning gapini shart kesdi:

- Jim, jim bo'l! Gapimni bo'l may eshit. Qanday dahshat?! Gapimni oxiriga yetkazgunimcha indamay tur, iltimos. Qimirlama...

Eshit... Esingdami... Esingdami... Anri?

Suzanna seskanib singlisiga yuzlandi. U esa gapida davom etardi:

- Meni tingla, hammasini bilib olasan. O'shanda men endigina o'n ikkida edim, o'n ikkida, esingdami? O'shanda juda erka edim. Xayolimga kelgan ishni qillardim. Meni qanday erkatalib o'stirishganini bilasanmi? Eshitsang-chi?.. U birinchi marta biznikiga kelanida, yaltirok etik kiyib olgandi, eshigimiz oldida otdan tushib, otamga muhim gapi borligini aytdi. Hammasi yodingda bordir? Jimm.. Eshit... Men uning barnoligini ko'rib, hayratdan dong qotdim, va otam bilan gaplashib bo'lguncha bir burchakda undan ko'z uzmay o'tirdim. Bolalar juda nozik va xavfli mavjudotdir. Eh, men u haqida qancha-qancha shirin xayollarga bormadim.

U yana bir marta keldi. O'yimizda mehmon bo'ldi. Men unga butun borlig'im, qalbim, vujudim bilan tikilardim. Men o'z yoshimga qaraganda ancha kattaroq va aqlliyoq edim. U biznikiga tez-tez keladigan bo'ldi. Men faqat u haqida o'ylardim. Tinimsiz uning nomini pichirlardim: "Anri, Anri de Sampier!"

Keyin uning senga uylanayotgani haqida eshitib qoldim. Opajon, o'shanda dunyo ko'zimga qorong'u ko'rinish ketdi. Qanchalik qayg'uga g'ark bo'l ganimni bilasanmi? Uch kecha uxlamasdan yig'lab chiqdim. U har kuni tushdan keyin kelib turardi...

Esingdami? Javob berishga oshiqma... Sen unga un, yog' va sudan o'zi yoqtirgan pirojnilar pishirib berarding. Men ham bilardim pishirishni.. Kerak bo'lsa, hozir ham pishirishim mumkin. U pirojniylar chaynamasdan yutar, orqasidan bir qadah sharob ho'plardi, va "zo'r!" deb qo'yardi.

Men uni sendan shunaqa qizg'anardim, shunaqa rashk qillardim. Sen to'ying kuni yaqinlashib kelardi. Atigi ikki hafta qolgandi.

Men esa jinni bo'layozgandim. Men hamma vaqt o'zimga o'zim "U Suzannaga hech kachon uylanmaydi, men buni istamayman, u katta bo'lsam, menga uylanishi kerak. Men umrimda uni sevganchalik hech kimni sevib qololmayman", deb yurardim.

To'yingizga o'n kun qolgan edi. O'sha kuni kechqurun ikkovingiz oy shu'lesi ostida qasr atrofini aylangani chiqib ketdingiz. U.. O'sha kattakon archa ostida sening qo'llaringdan tutib, bag'rige tortdi. Uzo-oq o'pishtilaring. Esingdami, ayt.. yo'q, aytma! Bu sizning ilk bo'sangiz edi, adashmasam. Ha.. Sen mehmonxonaga qaytganingda ranging bo'zdek okarib ketgandi.

This is not registered version of TotalDocConverter

Mehsizlikni murojat qilish, men o'g'li, butun qashan sizni kuzatib turardim. O'shanda butun vujudimga bir yovvoyi istak oqib kirdi. Quturib ketgandek bo'ldim, go'yoki. O'shanda qo'llimdan kelsa, ikkingizni ham o'ladirishga tayyor edim.

"U hech qachon Suzanaga uylanmaydi, U hech kimga uylanmasligi kerak. Men bunday alamni ko'tara olmayman", dedim o'z-o'zimga. O'shanda qalbimda unga nisbatan so'ngsiz nafrat uyg'ondi.

Keyin bilasanmi, men nima kildim? Eshit. Bog'bonimizni eslaysanmi, u har doim daydi itlarni zaharlab o'ladirish uchun shishani tosh bilan ezib, kukunini go'sht parchasiga qo'shib ularga yegizardi.

Men oyim ichgan dorining bo'sh shishasini topdim-da, bolg'acha bilan obdan maydaladim. Keyin kukunimi qog'ozga o'rav, cho'ntagimga solib qo'ydim. Ertasiga sen pirojniy tayyorlayotganingda bildirmay, xamir orasiga haligi kukunni joylashtirib qo'ydim. U pishiriqdan uchtasini pok-pokiza tushirdi. Bittasini men yedim... Qolgan oltitasini hovuzga tashlab yubordim. Uch kundan keyin uchta oqqushimiz o'lib qolgani esingdami? Jim deyapman... eshit gapimni! Faqat men tirk koldim, faqat bir umr kasallanib yurdim. U esa... O'ldi... Bilasanmi... Eshit... Bu hali hammasi emas... har doim... Eng dahshatlisi... eshit.

Butun umr.. butun umrim davomida... Oh bu qanchalar azob edi. Men har doim o'zimga, xech qachon opamni tashlab ketmayman, o'limim oldidan esa, hammasini unga aytib beraman, derdim. Ha... Butun umr barchasiga iqror bo'lishim kerak bo'lgan shu so'nggi soat haqida o'ylab keldim. Vaqt-soati yetib keldi... Qanday dahsha-at. O, Opajon!

Ertayu kech, shomu sahar fakat shu haqda o'ylardim. Hali vaqt keladi, hammasini bo'ynimga olaman, derdim.

Mana, hammasini senga aytib berdim... Jim... Bir og'iz ham... Endi. endi men qo'rqaman... juda-juda qo'rqaman. Men hozir uni ko'rsam, u bilan yuzlashsam. O'zing o'ylab ko'r. Axir uni narigi dunyoda men birinchi bo'lib ko'rman. Sen meni kechirmsang, men uning yoniga qanday boraman? Unga aytинг, hazrat. Meni kechirsin! Aytинг, o'tinaman. Bo'lmasa, men o'lolmayman.

U jim qoldi va tirnoqlari bilan choyshabni timdalay boshladi.

Suzanna yuzlarini bekitib olgancha, qimirlamay turardi. U ayni damda umr bo'yи sevib o'tgani xaqida o'y surardi. Ular qanchalik baxtli yashashlari mumkin edi-ya? U yana ko'rdi Anrini? Uni olis-olisdan, itib-bitayozgan o'tmishni qatlarda ko'rdi. O, muhtaram marhumlar! Siz yuraklarga kanchalar yaqinsiz? Haligi bo'sa-chi?

Umridagi yagona bo'sa! Bu bo'sa yillar osha uning qalbida ardoq ila saqlanib kelayotir. Uning hayotdagи bor-yo'q yupanchi, davlati ham shu xotirot parchasi edi, xolos.

Birdan ruhoniq qaltiroq va baland ovozda qichqirib yubordi:

- Suzanna bonu! Singlingiz o'layapti.

Suzanna ko'z-yosh ivitib yuborgan yuzlaridan kaftni oldi-da, o'zini singlisinig quchog'iga otdi va uning so'lg'in yuzlaridan o'pib ohista pichirladi:

- Kechirdim, bolajonim, kechirdim!